



List Saveza lovačkih društava Tuzlanskog kantona

Lovac

Broj 59

Tuzla, septembar/rujan 2013.

Cijena 1,00 KM



ZNAČAJ
lovnog streljaštva

90 godina LD "Tuzla"

DIVOKOZA
atraktivna
i trofejno
vrijedna divljač





Lovac

List Saveza lovačkih društava
Tuzlanskog kantona

Izlazi tromjesečno

Izdavač:
Predsjedništvo Saveza lovačkih društava
Tuzlanskog kantona

Za izdavača:
Rasim Omerović,
predsjednik Predsjedništva SLD TK

Redakcija lista "Lovac":
Rasim Omerović (Kalesija),
Zvonko Gusković (Tuzla),
Šerif Bečić (Banovići),
Hasan Muratović (Zivinice),
Hazim Smajlović (Sapna),
Muris Mujedinović (Srebrenik),
Sead Mehulić (Gradačac),
Hajrudin Imširović (Teočak),
Hariz Salihović (Kladanj),
Džemal Jukan (Gračanica),
Mujo Softić (Lukavac),
Sulejman Hadžić (Doboj-Istok) i
Hazim Mujkić (Čelić).

Glavni i odgovorni urednik:
Rasim Omerović, dipl. ing. šumarstva

Urednik i lektor:
Prof. Mirzet Ibrišimović

Stručni saradnik:
Jasmin Bećirović, profesor

Fotoliti:
B Concept Sarajevo

Priprema i štampa:
"Mikroštampa" Tuzla

Za štampariju:
Šaban Cipurković

Adresa redakcije "Lovac"
Tuzla, Džindić mahala 13.
Tel./fax: 035/258-004
Web site: www.lovaacki.com
E-mail: info@lovaacki.com

Račun kod Tuzlanske banke d.d. Tuzla
132-100-03092192-27

Na osnovu mišljenja Ministarstva
za obrazovanje, nauku, kulturu, sport
i informisanje Vlade TK broj
10/1-452-25-2/98 od 28. 08. 1998. god.,
list "Lovac" oslobođen je dijela
poreza na promet

Komisija za lovno streljaštvo

Natjecanje u gađanju glinenih golubova

Iz godine u godinu lovno streljaštvo postaje sve popularnije na nivou Tuzlanskog kantona. Sa dosta interesovanja za ova sport pristupilo se i posljednjem natjecanju u gađanju glinenih golubova – trap disciplini, koje se, kao i prethodnih godina, održava u tri kola. Kantonalno natjecanje se i ovaj puta održalo samo u Tuzli jer je tuzlansko streljište Pašabunar jedino koje ima bunker s automatskim bacačem glinenih golubova, kao i ostale neophodne uvjete. Odaziv ekipa članica SLD TK je bio solidan, a natjecanje je tradicionalno održano u sportskom i lovačkom duhu, uz lijepo druženje i fer igri.

U tri kola natjecalo se gađanjem 150 letećih meta, polufinale i finale za prvoplasiranih šest pojedinaca.

Postignuti su sljedeći ekipni i pojedinačni rezultati:

Ekipno: 1. LD „Tuzla“ I Tuzla 333 pogodaka. 2. LD „Vjetrenik-Šibošnica“ Čelić 310 pogodaka. 3. LD „Tuzla“ II Tuzla 295 pogodaka.

Pojedinačno seniori: 1. Hakija Muratović LD „Vjetrenik-Šibošnica“ Čelić. 2. Sevret Šehović LD „Jelen“ Gradačac. 3. Enes Ademović LD „Tuzla“ 4. Armin Jašarević LD „Srndač“ Gračanica 5. Nedžad Gačević LD „Vjetrenik-Šibošnica“ Čelić 6. Faruk Osmić LD „Jelen“ Gradačac.



Pojedinačno juniori: 1. Toni Kovačević 126 pogodaka. 2. Ajdin Šljivić 107 pogodaka. 3. Igor Kovačević 102 pogodaka. 4. Antonio Kaldrmdžić 96 pogodaka.

Po dodjeli pehara, medalja i diploma najboljim ekipama i pojedincima, nastavljeno je lovačko druženje uz svečani ručak na streljištu Pašabunar.

Nikola Kovačević



Odluke o priznanjima i odlikovanjima

U skladu s Pravilnikom o priznanjima i odlikovanjima za rad na unapređenju lovstva u Tuzlanskom kantonu, u svrhu zasluga i u cilju stimuliranja razvoja i afirmacije lovstva i drugih aktivnosti koje su od općeg interesa za lovstvo, na prijedlog članica Saveza i Komisije za priznanja i odlikovanja, Predsjedništvo SLD TK, na svojoj 81. sjednici, donijelo je odluke da se u okviru lovačkih društava dodijele lovačka priznanja i odlikovanja:

LD „FAZANKA“ DOBOJ ISTOK

Lovačka bronzana značka:

Mustafić Rukib, Hasančević Zikret, Vehabović Šerif, Okanović Fikret, Hrnjičić Amir, Omerčić Vahid, Smajić Nermin, Avdić Armin, hamzić Feriz, Hodžić Alija, Junuzović Semir, Hadžić Munib i Smajić Refik.

Lovačka srebrna značka:

Hrnjičić Osman, Omerčić Mustafa, Delić Džafer, Osmić Ismet, Mujić Enver, Hrnjičić Sulejman, Omerčić Osman, Avdić Sejudin, Okanović Osman, Omerčić Jasmin, Škrebo Ibrahim, Avdić Nijaz, Mujić Mehmed, Husaković Osman, Hadžić Dževad i Dautović Mustafa.

Lovačka zlatna značka:

Karavdić Muhamed, Šiljić Hazim, Šuvalić Izet, Đulbić Omer, Hasić Redžo i Osmić Nusret-posthumno.

Lovačka plaketa:

Okanović Nisvet

Diploma počasnog člana:

Hadžić Sulejman, Sinanović Sejfudin, Kadrić Armin i Avdić Rifet.

LD „TUZLA“ TUZLA

Lovačka bronzana značka:

Ademović Enes, Bećirović Izet, Malkočević Himzo, Husagić Fahrudin, Malkočević Hamdo, Kovačević Zoran, Vida-

ković Marjan, Matanović Goran, Kasumović Ševal, Petrovac Galib, Miklavčić Ivan, Đurić Ivica, Paočić Bajro, Divković Zoran, Djedović Fikret, Nišandžić Ilija, Huremović Mušan, Saletović Mursel, Jusić Nevres, Pavlović Zoran, Čehajić Rifat, Dervišević Hamza, Barčić Sevret Nuta i Nukić Muhamed.

Lovačka srebrna značka:

Šljivić Mirza, Šljivić Esad, Vareškić Siniša, Mujagić Fazlaga, Fejzić Enes, Hribar Miroslav, Kovačević Nikola, Hasanović Mirsad, Mustaćević Kemal, Pavlović Željko, Hidanović Ramiz, Kasumović Munib, Selimović Sabahudin, Imšić Nurija, Hasičević Mirza, Perić Božo, Salihović Mirsad, Čehajić Ferid, Dervišagić Sulejman, Hukić Mefudin, Jahić Halid i Čorbić Seid.

Lovačka zlatna značka:

Šljivić Ekrem, Vukojević Bato, Jusufović Mirsad, Markanović Šimo, Hasić Muharem, Mehanović Džafer i Terzić Salih.

Lovačka plaketa:

Gusković Zvonko, Alić Mensur i Šljivić Mehmedalija.

Diploma počasnog člana:

Sadiković Kemal, Matanović Anto, Gajić Milorad, Zahirović Salih, Arapović Jusuf, Omerašević Mevzudin, Vuković Rizah, Lamešić Mirko, Jurić Pejo, Kovačević Edhem, Hasić Mehmedalija, Ivić Vinko, Brković Jakub, Hajdarević Nusret, Vareškić Marko, Divković Božo, Mustaćević Jusuf, Kovačević Kasim, Morankić Mustafa, Delibegović Nedžad, Kišić Sead i Josipović Stjepan.

LD „TEOČAK“ TEOČAK

Diploma počasnog člana:

Mehić Dževad.

Jasmin Bećirović
sekretar SLD TK

Lovačko društvo „Tuzla“ Tuzla

Stop krivolovu

Predsjedništvo LD „Tuzla“, na čelu sa predsjednikom Zvonkom Guskovićem, organizovalo je radni sastanak sa čelnicima MUP-a TK i Policijske uprave Tuzla s ciljem da se krivolov na području LD „Tuzla“ koji je u posljednje vrijeme u porastu, svede na minimum. Nakon aktivne rasprave prisutnih došlo se do konstruktivnih zaključaka čija će realizacija u narednom periodu omogućiti kvalitetniju i efikasniju obostranu kontrolu svih lica koja se kreću u lovištu, a dovode se u vezu s krivolovom.

U skladu s Planom gazdovanja LD „Tuzla“ ove godine u lovište je uneseno više različitih jedinki divljači. Najviše fazana i to 600, zatim 34 zeca. Ranije je u lovište uneseno pet komada crne divljači, koje u posljednje vrijeme na ovim prostorima sve manje. Treba naglasiti da LD „Tuzla“ svake godine, a u skladu s Planom gazdovanja, unosi divljač u lovište, ali, s obzirom da je jubilarna 90 godina postojanja i rada Društva, uneseno je više divljači nego obično, uz napomenu da je zec unesen po prvi put.

Leon Milošić
član Predsjedništva LD „Tuzla“

OBAVJEŠTENJE



MUP TK obavještava građane, shodno Zakonu o nabavljanju, držanju i nošenju oružja i municije TK-a od 2008. godine, te Zakonu o izmjenama i dopunama Zakona o nabavljanju, držanju i nošenju oružja i municije TK-a od 2011. godine, da je u članu 1. propisna odredba da su sva lica koja posjeduju oružne listove izdate od nadležnog organa u BiH, dužna iste zamijeniti u skladu s navedenim Zakonom, a najkasnije do 31. decembra 2013. godine. S tim u vezi, molimo građane koji nisu zamijenili oružne listove da to urade do navedenog roka, s obzirom da poslije isteka navedenog roka gube pravo na posjedovanje naoružanja.

MUP TK, 15. avgust 2013.

Devedeset godina Lovačkog društva „Tuzla“

U svojoj bogatoj tradiciji LD „Tuzla“ u lovnjoj 2013. godini slavi izuzetan jubilej-90. godina postojanja i uspješnog organizovanja i bavljenja lovom. Tokom cijele godine, u skladu s Programom, sprovedene su aktivnosti čiji je cilj prezentovanje široj javnosti odlične radno-lovne uspjehe Društva. Od tih aktivnosti treba izdvojiti prvu kotličijadu i prvu reviju lovačkih pasa, održane početkom juna na lokalitetu lovačkog doma na Staroj Majevidi. Sve prisutne je pozdravio Gusković Zvonko, predsjednik LD „Tuzla“, koji je svima zaželio da postignu željene rezultate, jer je manifestacija pored druženja povodom jubileja imala i takmičarski karakter.

Spravljanje jela u kotliču (na nivou sekcija) je započelo tako što je svaka sekcija imala po tri lovca takmičara koji su imali zadatak da od 1 kg srnetine i 1 kg junetine naprave što ukusnije jelo uz dodavanje začina po želji. Žiri je imao veoma težak zadatak u odabiru tri najbolje ekipe, ali je za nijansu pobijedila Sekcija „Solana“. Drugo mjesto je pripalo Sekciji „Kula-Ši Selo“, a

treće Sekciji „Kreka“. Društvo je za pobjednike obezbijedilo i prigodne nagrade.

Radi popularizacije lovne kinologije, održana je i revija lovačkih pasa (ex YU goniča). U prelijepom prirodnom ambijentu, revija je protekla u izuzetno dobrom druženju, na zadovoljstvo kako samih izlagača tako i mnogobrojne publike. Na reviji su učestvovali samo psi s punim rodovnikom, koji su već bili ocijenjeni i oni kojima je ovo prva ocjena. Ukupno je privedeno i ocijenjeno 34 psa. Sam koncept ove revije se odvijao tako što se bira najbolji pas sekcije, a kasnije je od tih pobjednika biran najbolji pas revije, tj. 1., 2. i 3. mjesto bez obzira na rasu.

Za pobjednike sekcija Društvo je obezbjeđilo medalje, a za prva tri mjesta pehare.

Pobjednici po sekcijama:
LS „Husino-Kiseljak“ vlasnik Marić Anto, posavski gonič Cana

LS „Solana“, vlasnik Sadiković Kemal, srpski trobojni gonič Cule

LS „Pasci Par Selo“, vlasnik Josipović Stjepan, posavski gonič Aron

LS „Simin Han“ vlasnik, Hasanović Jasmin, bosanski oštr. gonič-barak Mrgud-Beri
LS „Šicki Brod“, vlasnik Čehajić Asmir, istarski oštr. gonič Lasa

LS „Kula-Ši Selo“, vlasnik Avdić Asmir, istarski kratk. gonič Mila

LS „Dokanj“, vlasnik Milošić Matija, srpski gonič Art

LS „Solina“, vlasnik Josipović Marinko, srpski trobojni gonič Lokica

LS „Kreka“, vlasnik Stijepić Franjo, bosanski oštr. gonič-barak Biza

LS „Lipnica“, vlasnik Ivaković Igor, istarski oštr. gonič Bona, odgajivačnica „Lusijana lipnička“

LS „Gornja Tuzla“, vlasnik Dedić Suad, crnogorski plan. gonič Ciga

Od pobjednika u sekcijama, izabrani su najbolji psi revije:

1. LS „Simin Han“, vlasnika Hasanović Jasmin, bosanski oštr. gonič-barak Mrgud-Beri

2. LS „Kreka“, vlasnika Stijepić Franjo, bosanski oštr. gonič-barak Biza

3. LS „Solina“, vlasnika Josipović Marinka, srpski trobojni gonič Lokica

Za najmlađeg vodiča lovnih pasa je izabran Ivaković Igor iz LS „Lipnica-Podmladak“, sa psom Bona, odgajivačnica „Lusijana lipnička“.

Reviju su profesionalno i stručno sudile kinološke sudije: Marić Dragan i Delić Eldar,

dok je za cjelokupnu organizaciju bio zadužen Lamešić Mirko, predsjednik Kinološkog kluba „Gonič“ i predsjednik Savjeta za lovnu kinologiju SLD TK.

Kako ova jubilara prigoda ne bi bila samo takmičarskog nego i radnog karaktera, Predsjedništvo LD „Tuzla“, na čelu sa predsjednikom Gusković Zvonkom, zamjenikom Terzić

Salihom i upravnikom lovišta Kovačević Nikolom, upriličilo je radni sastanak sa susjednim lovačkim društvima „Vjetrenik-Šibošnica“, „Majevidica“ Srebrenik i „Majevidica“ Lopare, na temu *Unapređenje lova na Majevidi*.



Sve ukupno, obilježavanje 90. godina LD „Tuzla“ je bilo veličanstveno. Bilo je lijepo vidjeti veliki broj lovaca i gostiju kako uživaju u druženju. Zaslužni lovci Društva, uz degustaciju pripremljenih jela, strpljivo i s uživanjem su razgovarali s mladim lovačkim naraštajem. U sklopu besprijekorne organizacije proslave jubileja, Organizacioni odbor se pobrinuo da manifestaciji ne nedostaje i zabavni dio. Pokrovitelji su bili D.o.o. „Pivara“ Tuzla i Mesna industrija „Memprom“ d.o.o. Gornja Tuzla. Lovci su još jednom dokazali da su majstori druženja.

Leon Milošić
Mirko Lamešić



Lovačko društvo „Tuzla“ Tuzla Grupa meraklija i iskusnih lovaca iz više sekcija

Uglavnom počasni članovi i stariji lovci iz više sekcija LD „Tuzla“, formirali su Lovačku grupu na visoku divljač-srndača i meraklijsko druženje. Grupu čine Budimir, Meša, Mehmedalija, Ibro, Tomislav, Ramiz, Sulejman, Drago, Mijo, Ekrem, Hasan, Marko. Okupljaju se više puta u toku lovnje sezone i to u vikendicama članova Grupe. Na ovoj fotografiji su ispred Miloradove vikendice u Crnom Blatu.

Milorad Gajić



Lovačko društvo „Tuzla“ Tuzla Lovočubar ulovio „krnju“


Da je lovočubar Amir Sinanović profesionalno obavio svoj posao svjedoči ova fotografija srndača s jednim rogom. Amir je „krnju“ odstrijelio na početku sezone lova na visoku divljač, a ovaj redovan lov je bio motiviran i njegovim zapažanjima u okviru svakodnevnih zadataka zaštite divljači u lovištima LD „Tuzla“. S obzirom da je „krnju“ pratio već duže vrijeme, sačekao je lovnu sezonu i pogodan trenutak, tako da je ovaj odstrjel svojevrstan spoj sanitarnog i redovnog lova.

Husnija Kišić



Lovačko društvo „Husić Mustafa Čektalo“ Sapna

Odstrjeljena četiri srndaća visoke trofejne vrijednosti



Da je prostor kojim gazduje LD „Husić Mustafa Čektalo“ Sapna bogato divljači, moglo bi se reći pravi rezervat srneće divljači, svjedoči i to da su u ovosezonskom prvom lovnom danu odstrjeljena četiri srndaća visoke trofejne vrijednosti. U ostalim izlaznim danima odstrjeljeno je i nekoliko srndaća srednje trofejne vrijednosti, koji u relizaciji mjera selekcije ove divljači ulovljena su i četiri srndaća s deformisanim rogovima. Na otvorenju lovne sezone na srndaća Društvo je ugostilo i lovce iz Gornjeg Vakufa, a gost lovac Esmir Čelić (na prvoj fotografiji) je bio mirne i vješte ruke pa je odstrjelio i srndaća. Lovci LD „HM Čektalo“ pozvani su u goste u Gornji Vakuf. Na drugoj fotografiji su lovci LG „Goduš“, a na trećoj je Grupa „Kobilici-Kraljevići“.

Said Smajlović



Lovačko društvo „Majevica“ Srebrenik

Osmičev prvi srndać

Prvog dana otvorenja ovosezonskog lova na srndaća, mladi lovac Admir Osmić, član LS „Duboki potok“-LD „Majevica“ Srebrenik, odstrjelio je svog prvog srndaća tokom svog trogodišnjeg lovovanja. Na fotografiji su (s desna na lijevo) Admir Osmić, Đulaga Smajlović Kumašin (počasni član) i Nermin Delić.

Nermin Delić

Lovačko društvo „Jelen“ Gradačac

Otvoreno prihvatilište fazana



Na području lovišta LD „Jelen“ Gradačac, u Guštama-Srnice (na vlastitom zemljištu), otvoreno je novoizgrađeno prihvatilište fazanskih pilića i uzgoj fazanske divljači (na prvoj fotografiji). Veličina ovog lovno-uzgojnog objekta je 1,5 dunuma. Ograđeno je visokom pletenom žicom, pokriveno mrežom, a unutrašnjost je stručno opremljena. U njegovoj blizini se nalazi renovirana lovačka



kuća, koš za kukuruz, drvena magaza, šupa od čvrstog materijala za čuvanje hrane namijenjene za ishranu fazana. Tu je i česma sa stalnim dotokom vode i nasteršnica s poljskim stolovima. Ako se tome doda je tik uz šumu gdje protiče potok, onda se može reći da je ovo prihvatilište jedno od najfunkcionalnijih u lovištima Tuzlanskog kantona.



Početkom jula, Društvo je kupilo 1.000 komada fazanskih pilića u starosti od osam nedelja. Uneseni su u prihvatilište, a ishrana i cjelovit uzgoj su povjereni lovcu Ibreljić Fadilu i njegovim sinovima. Uzgoj će trajati oko dva mjeseca. U izgradnji ovog lovno-uzgojnog objekta su učestvovali članovi LD „Jelen“ (na drugoj fotografiji) dok Odbor za organizaciju, izgradnju i izvođenje radova čine: Senad Mehulić, Nuriya Muratović, Ekrem Ibreljić, Salih Lipovac i Mirsad Čibran (na trećoj fotografiji).

Sredstva za izgradnju ovog izuzetno funkcionalnog prihvatilišta fazanskih pilića i uzgoj fazanske divljači, doniralo je Ministarstvo za poljoprivredu, vodoprivredu i šumarstvo TK. Dopunske radove je finansiralo LD „Jelen“ Gradačac.

Fabrudin Gromić

Lovačko društvo „Toplica“ Živinice

Hiljadu fazana pušteno u lovišta

Da LD „Toplica“ Živinice uspješno obavlja funkciju očuvanja divljači i bogaćenju prirode raznim divljim životinjama, dokazuje avgustovska akcija puštanja oko hiljadu fazana u lovišta Društva. Iz vlastite fazanerije kraj Oskove lovačkim sekcijama je podijeljeno oko hiljadu fazana, koji su pušteni u lovna područja. Fazanerija još ima oko 700 fazana, a jedan dio je u funkciji matičnog jata, kaže jedan od najstarijih lovaca Mehmedalija Đulović, sa lovački stažom od 46 godina, kojem je povjereno čuvanje i zaštita fazana, ali i drugih divljih i domaćih životinja.

„U posljednje vrijeme ovdje se mnogo uradilo, tako da osim fazanerije sada imamo i mali zoološki vrt, s dvadesetak raznih životinja, gdje uzgajamo jelene lopatare, srndaće i druge životinje“, kaže lovac Đulović.

Planom gazdovanja LD „Toplica“ predviđeno je da se ovo područje obogati novim vrstama divljači.

Aljo Delić
sekretar LD „Toplica“ Živinice



Neke aktivnosti LD „Spreča“ Kalesija

Tojšičani izgradili visoku čeku



Vrijedni lovci LS „Tojšiči“, koju predvodi grupovođa Đulaga Smajić, vrsni pčelar i lovac, nimalo ne posustaju za drugim grupama i lovcima kada je u pitanju izgradnja visokih ček. Zahvaljujući Fehimu Smajiću koji je obezbijedio i finansirao najveći dio materijala, Tojšičani su izgradili visoku čeku s koje se pruža vidik nadaleko i naširoko. Ovo nije ni prva ni posljednja visoka čeka ovakvog kvaliteta, kažu i Fehim i Đulaga, već jedna u

nizu koju grade po lovištu Društva. Jedino što im je, kako rekoše, najviše žao što je član Grupe Mirzet Hodžić, mladi lovac, zauvijek napustio lovačke redove, koji je nesretno stradao na Kosovu, a volio je prirodu i učestvovao u gradnji visoke čeke, pa nek makar ovo remek djelo podsjeća na rahmetli Mirzeta.

Pušteno 700 fazana u lovište

Lovačko društvo „Spreča“ Kalesija u proljeće je izvršilo kupovinu 700 komada fazanskih pilića, koje je smjestilo u vlastito prihvatilište izgrađeno u Donjim Raincima. Fazani su kupljeni sa sedam sedmica starosti, nakon čega je uslijedio njihov uzgoj u prihvatilištu. Organizovano je čuvanje pilića oko šest sedmica, a nakon što su dostigli potrebnu težinu i kva-



litet organizovano je njihovo puštanje u prirodu. Raspodjela je izvršena po svim sekcijama Društva. Puštanje fazana je izvršeno na više lokacija, ali naravno vodeći računa o staništu za ovu vrstu divljači. Prethodno je izvršeno čišćenje terena od štetočina, a nakon puštanja je organizovano i njihovo čuvanje na nekoliko dana. Radi se o veoma kvalitetnim fazanima koji će nakon adaptacije u prirodi obogatiti lovište u narednom periodu kroz prirodnu reprodukciju.

Uspješan lov na srndaća

Lovci LS „Vukovije“, 18. avgusta ove godine, izašli su u lov na srndaća u lovište zvano Munjače na obroncima Majevice.

Nakon što je dogovoren način i količina odstrjela, lovci su se rasporedili po čekama. Za veoma kratko vrijeme odstrijeljena su dva srndaća, a sretni i vješti strijelci su bili Husnija Rabotić iz Vukovija i Hajrudin Selmanović, među lovcima poznat kao Hajro Hakijin. Odmah su se svi skupili na zbornom mjesto, a



radosti nije bilo kraja zbog uspješnog lova i predstojećeg druženja. Oba grla su veoma kvalitetni čiji trofeji će krasiti zidove ovih vrsnih strijelaca. Sa lovcima iz Vukovija taj dan su lovili i Jajički lovci koji su odlični poznavaoi terena u Munjačama, koji obiluje svim vrstama divljači, a dokaz tome je i odstrjel ova dva trofejna srndaća.



Rule, uzoran čovjek i lovac

Davne 1977. godine, nošen voljom i ljubavlju prema prirodi, dvadesetjednogodišnji Ruvejd Mujkanović, postao je član LD „Spreča“ Kalesija. Popularni Rule, koji potiče iz lovačke porodice, zajedno sa svojim ocem Ibrahimom, poznatijim kao Čiča, kao i ostalim kolegama lovcima, dao je nemjerljiv doprinos unapređenju lovstva. Vodio je Grupu, da bi za kratko vrijeme bio biran za predsjednika LS „Tojšiči“. Kao vrstan uzgajivač lovnih pasa uključio se i u kinologiju gdje je imenovan za kinološkog referenta Društva. Dao je sve od sebe pa je, pored stručnog vođenja Sekcije, odradio veliki broj ocjenskih smotri lovnih pasa, zajedno sa Ahmedom Bešlagićem i Avdom Hebibom. Naš Rule je bio i glavni lovodja Društva, kad ga je zadesila nesreća u kojoj je izgubio vid. Nije se više mogao aktivno baviti lovom, ali se nije predavao pa često svojim stručnim mišljenjima i savjetima pridonosi razvoju i afirmaciji lovstva. Danas Rule nije više aktivan kao nekada, ali uz sina Nihada i svoje prijatelje ponekad izađe u lov, prvenstveno da se druži sa kolegama lovcima i da čuje njemu najdražu pjesmu „štekanje lovačkih kerova“. Za svoj doprinos lovu dobitnik je zahvalnice i diplome LD „Spreča“, plakete, bronzane značke i diplome počasnog člana Saveza LD TK. Na pitanje o teškoćama njegovog današnjeg života, Rule nam odgovara da je kroz lov stekao bogatstvo-veliki broj prijatelja koji mu i danas daju značajnu podršku, a posebno mu je drago što ga njegovi lovci nisu zaboravili.

Abmet Beširović
Mirza Hadžić

Reportaža s Alpa

Uspješan trud Austrijanaca u naseljavanju ugrženih vrsta divljači podsjeća na akcije lovaca iz Živinica i Kladnja da u svoja lovišta ponovo nastane jelene, muflone i divokoze

Kao dugogodišnji planinar, ljubitelj prirode i lovac (LD „Toplica“ Živinice), nedavno sam posjetio nacionalni park Hohe Tauern u Austriji, u pokrajini Salzburg (nominiran za upis na UNESCO-v popis mjesta svjetske baštine). Uživao sam u očaravajućoj i nezaboravnoj ljepoti Alpa i spojio užitak planinarenja, posmatranja i fotografisanja divljači. U razgovoru sa čuvarima parka i lovcima saznao sam mnoge zanimljivosti u vezi brige i načina čuvanja okoliša, s akcentom na zaštitu autohtone flore i faune.

Hohe Tauern čine planine u središnjim i istočnim Alpama koji je ujedno i prirodna granica između Austrije i Italije. Najviši vrh Tauerna je Grossglockner, visok 3798 metara. Nacionalni park je osnovan 1971. godine, a danas se proteže kroz pokrajine Tirol, Koruška i Salzburg. Površinom od 1.834 km² to je najveći nacionalni park u Austriji, kao i najveći prirodni rezervat u Alpama. Znamenitosti parka su dva ledenjaka (pokrivaju oko 135 km² parka), mnogobrojni vodopadi, ledene doline i pećine. Ovaj jedinstveni, očaravajući i moćni prostor sadrži mnogobrojne planinske staze kojima možete krenuti sami ili u društvu licenciranih vodiča. Pješaćenje iz doline prema vrhovima pod vječnim ledom odgovara, u geološkom smislu, boravku na Antarktiku, u što sam se lično uvjerio jer, mada je bila sredina jula, ambijent je bio pot-



puno zimski. Noćenje kod planinskog jezera, izleti za fotografe prekrasnih panorama čiste i slobodne prirode ili posmatranje jelena, divljih svinja i drugih životinja, predstavljaju samo mali dio ukupnog zadovoljstva. Na svakom koraku u parku se nalaze hranilišta i osmatračnice s kojih se pružaju impresivni vidici. Flora i fauna su raznolike, a treba istaći da je park stanište alpskog kozoroga, divokoze, bjeloglavog supa, surog orla, medvjeda, vuka, lisice, zeca, kune, vidre, sove i kralja šume, njegovog veličanstvo tetrijeba gluhana, kojim se domaće stanovništvo s pravom ponosi. Ta najveća šumska koka je zaštitni znak mnogih austrijskih brendova i klubova. Fotografiju tetrijeba ili njegovu u drvetu izrezbarenu figuru, može se vidjeti u mnogim restoranima, hotelima i odmaralištima. Nekada ga je bilo dosta i kod nas na svim većim planinama. Zbog siječe šuma i sve dubljeg ulaska čovjeka u životni prostor ove kraljevske ptice, tetrijeb je skoro nestao s naših planina. I danas mu se brojnost sve više smanjuje, o čemu svjedoče mnoga istraživanja i izvještaji s terena. O tome sam pisao u Lovачkom listu davne 1986. godine, kada sam kao dijete koraćao uz svog oca Rasima Hajrulahovića, uz kojeg



i danas provodim najljepše trenutke u planinarenju i lovu. Treba naglasiti da su nekada izumrle vrste, kao što je alpski svizac (mrmot) ponovo i uspješno naseljene. On je upravo i zaštitni znak parka Hohe Tauern. Iskristio sam priliku da slikam jednog od njih u prirodnom okruženju (na visini od 2800 m/nv), dok je skakutao prema meni uz gole čeone morene, nanose koje su nagurali glečeri. Za mene je bila čast fotografisati životinju koja je bila izumrla pa su je, na svu sreću, ponovo naselili u krajeve Alpa. Taj doživljaj me ohrabrio u pogledu velikih napora lovaca iz Živinica i Kladnja da u svoja lovišta ponovo nastane jelene, muflone i divokoze. Želim im da istraju u tome jer planine Konjuh, Javor i Javornik to omogućavaju zaslužuju. Dugujemo to generacijama koje dolaze.

Amir Hajrulahović
LD „Toplica“ Živinice



Lovno streljaštvo

Historija, discipline, značaj i svrha sporta gađanja letećih meta



Lovno streljaštvo je danas u svijetu zastupljeno kao i svi drugi sportovi. Gađanje letećih meta (glinenih golubova) organizirano se provodi od početka prošlog stoljeća. Pronalaskom modernih letećih meta razvile su se i streljačke discipline Trap, Parni trap i Skeet, koje su olimpijski sportovi. U oblasti lovstva gađanje vještačkih golubova je posebno značajan i popularan sport sa stanovišta edukacije lovaca - rukovanja lovačkim oružjem, postizanja i održavanja što bolje preciznosti u gađanju, tako da lovno streljaštvo predstavlja najbolji vid treninga za lov, odnosno vježbanja za veću efikasnost u lovu, a upravo rezultati gađanja na lovno-streljačkim natjecanjima pokazuju koliko su lovci obučeni u rukovanju oružjem.

Historija

Prvo zabilježeno natjecanje u gađanju živih golubova datira iz 1790. kad su u upotrebi bile samo sačmarice s jednom cijevi. U Engleskoj su ova natjecanja uz proizvodnju sačmarica s dvije cijevi, tijekom 1850., bila posebno popularna. Najveći doprinos razvoju ovog sporta je dao C. Lefaucheu, puškar iz Pariza (1802.-1852.), a zatim, 1868., C. W. Lancaster, puškar iz Londona. Oba su radila na usavršavanju lovačkih pušaka sačmarica u vlastitim tvornicama oružja. Predlagali su mjere u razvoju ovog sporta u kojemu su dokazivali dobru i sigurnu upotrebljivost svojih sačmarica. Popularnost ovog sporta se ubrzo proširila u Italiji, Belgiji, Francuskoj i drugim zapadnoevropskim zemljama, tako da su se svake godine, po nekoliko puta, organizirala natjecanja u gađanju živih golubova.

Prva i poznata natjecanja su se organizirala u Monte Carlu gdje su se takmičili najbolji strijelci svih zemalja svijeta. Svake treće godine se organiziralo svjetsko prvenstvo u gađanju živih golubova. Bila je dozvoljena je upotreba lovačkih sačmarica svih kalibara, ali je municija morala biti punjena isključivo olovnom sačmom oznake 12. Pogodak je bio priznat ako je golub pogođen i pao u prostor (polukrug ograđen žicom). Ako je pao izvan žice računalo se je kao promašaj. Tek kasnije, u SAD, po prvi put se natjecanje odvijalo u gađanju vještačkih meta – staklenih kugli, a još kasnije glinenih golubova. Staklene lopte su bacane u zrak a profesionalni strijelci su reklamirali lovačke puške poznatih tvornica Winchester i Spencer. Najbolji rezultat u gađanju ovih meta je postigao Amerikanac A. H. Bogardus, 1879., koji je od 5.500 pogodio 5.144 lopti bačenih u zrak. Gađanje staklenih lopti je od 1866. do 1880. bio veoma popularan sport.

Konstruiranjem novih meta, tj. glinenih golubova koje smo mi naslijedili, Amerikanac G. Ligowsky je 1880. izbacio iz upotrebe staklene lopte. Ustvari, prvo je Bečlija Fuchs, 1894., izumio papirnateg goluba i time uveo novu sportsku disciplinu u gađanju na nežive golubove, ali se te mete nisu dugo održale u upotrebi.

Prvi ručni bacač glinenih golubova, 1927., napravio je Francuz Emile Laporte. Mete, glineni golubovi, izbacivali su se ručnim bacačem koji je nazvan „trap“ i dostizale su daljinu do 135 m. Automatski trap bacači su se počeli raditi 1980. Kod gađanja

glinenih golubova pogodak se računao ako se od udara sačme glineni golub raspao ili se okrnjio bar jedan njegov komad. Prvo međunarodno natjecanje u gađanju glinenih golubova je održano Chicagu (SAD) 1884., a kao olimpijski sport je uveden 1900. na Olimpijadi u Parizu. Prvi poznati svjetski prvak u gađanju glinenih golubova je bio Mađar Sándor Lumniczer (298 pogodaka od 300 meta) na Olimpijadi u Stockholmu 1929.

Discipline

U leteće mete spadaju tri discipline: TRAP, PARNI TRAP i SKEET.

1. TRAP je disciplina koja se sastoji od 125 meta koje se gađaju u 5 serija od po 25 meta. One se najčešće gađaju u dva dana i to 75 (prvi dan) + 50 meta + finale (drugi dan). Na početku svake serije prvih pet strijelaca moraju zauzeti mjesta od broja 1 do broja 5, dok šesti strijelac mora ostati iza mjesta 1 i SPREMAN krenuti čim strijelac broj 1 izvrši gađanje. Na strijelčev povik, metu izbacuje jedan od petnaest strojeva koji se nalaze u rovu. Kada strijelac broj 1 izvrši gađanje regularne mete, mora se pripremiti da krene na mjesto broj 2 čim strijelac na tom mjestu izvrši gađanje i tako dalje. Kada strijelac na mjestu 5 izvrši gađanje odmah kreće stazom iza linije gađanja i vraća se na mjesto 1 (6) nastavljajući kruženje sve dok svaki strijelac ne završi gađanje na 25 meta. Strijelac koji je izvršio gađanje na jednom mjestu prilikom kretanja prema sljedećem mjestu, ne smije ometati drugog strijelca ili osoblje.

2. PARNI TRAP je disciplina koja se sastoji od 150 meta koje se gađaju u 3 serije, svaka od po 25 para, 150 meta, a gađa se u jednom danu. Ako broj natjecatelja prelazi kapacitet streljana za disciplinu za jedan dan, može se rasporediti u dva dana tj. prvi dan

100 meta, drugi dan 50 meta plus finale. Kada je strijelac spreman, na njegov povik dva stroja u istom trenu izbacuju jednu metu.

3. SKEET je disciplina koja se sastoji od 125 meta koje se gađaju u 5 serija od po 25 meta. One se mogu gađati samo u dva dana s 75 + 50 + finale. Jednu grupu sačinjavaju 6 strijelaca, a linija gađanja sačinjava 8 mjesta. Strijelac mora stati na mjesto na liniji gađanja, zauzeti stav, napuniti pušku i pozvati metu u roku 10 sekundi, nakon što je njegov prethodnik izvršio gađanje, ili nekon

da usavrše tehniku gađanja. Na taj način svi lovci daleko sigurnije stiču sposobnost brzog ciljanja divljači, rukovanja puškom i refleks, odnosno brzinu pokreta usklađenu s kretanjem lovine. Time se pospješuje efikasan, human i brz odstrjel divljači u pokretu, bez ranjavanja i gubitka trofeja, a predusprečava se nesreća u lovu. U cilju boljeg razvoja lovnog streljaštva, kao sporta koji od početka ide u korak sa lovstvom, lovačka udruženja bi trebala imati strelišta za gađanje glinenih golubova, posebno zbog obuke mladih lovaca.



što je sudac sudac dao znak za početak. Do pojave meta, strijelac se mora nalaziti u položaju SPREMAN, stojeći s obje noge u granicama streljačkog mjesta, držeći pušku s obje ruke. Kundak puške mora biti u dodiru s tijelom strijelca tako da je gornji vrh kundaka na oznaci, ili ispod oznake na streljačkom prsluku u visini kuka i mora ostati u tom položaju dok se pojavi meta. Nakon opaljenja strijelac mora odmah napustiti svoje mjesto.

Značaj i svrha

Strijelac, da bi bio uspješan u ovom sportu, mora često da trenira, odnosno uvježbava pucanje na glinene golubove. Sudjelovanje lovaca u natjecanjima u gađanju glinenih golubova od velikog je značaja za lovstvo i svakog lovca osobno. Lovačka udruženja treba da podržavaju ovaj sport, tj. da imaju odgovarajuća strelišta i organiziraju natjecanja u gađanju glinenih golubova i na drugi sličan način motiviraju i upute lovce na lovno streljaštvo. Time se posebno pruža mogućnost mladim lovcima da steknu streljačko iskustvo, tj. da postignu vještinu gađanja lovačkom puškom sačmaricom, a starijim lovcima



Lovno streljaštvo je u mnogim razvijenim zemljama sastavni dio lovnog zakonodavstva, te je bavljenje lovom nemoguće bez lovnog streljaštva.


Komisija za lovno streljaštvo

Ograđeni prostori za kontrolisanu proizvodnju, gajenje i korišćenje divljači i procjena rizika i uticaja na životnu sredinu u fazama planiranja

Proizvodnja, gajenje i korišćenja divljači u ograđenim lovištima, ograđenim dijelovima lovišta i u farmama divljači (najčešće krupne) predstavlja način intenzivnog gazdovanja sa divljači, a najčešće ga sprovodi korisnik lovišta. Proizvodnja, gajenje i korišćenje divljači (divljih životinja) vrši se u mnogim zemljama, gotovo na svim kontinentima, kako za potrebe lovstva, tako i za potrebe drugih djelatnosti čovjeka. Proizvodnja, gajenje i korišćenje divljači u kontrolisanim

preduslov za uspješnu proizvodnju, gajenje i korišćenje divljači u kontrolisanim uslovima ograđenog prostora je izrada kvalitetnog programa, odnosno projekta, koji će poštivanjem svih relevantnih činioca obezbijediti uspješnost intenzivnog gazdovanja odabranom vrstom ili vrstama divljači. Program-projekt za proizvodnju, gajenje i korišćenje divljači u kontrolisanim uslovima ograđenog prostora (u daljem tekstu: program-projekt), zbog specifičnosti, kako divljači, tako i

organskog i neorganskog dijela životne sredine, u tom prostoru se uvijek znatno razlikuje od programa-projekata u vidovima proizvodnje. Program-projekt rade specijalizovane projektantske organizacije, naučno-istraživačke institucije (fakulteti - instituti - zavodi), preduzeća iz oblasti šumarstva i lovstva i pojedini stručnjaci s položenim stručnim ispitom, odnosno licencom za izradu investiciono-tehničke dokumentacije u oblasti lovstva. Program-projekt sadrži osnovne podatke za objekt i to: -



uslovima ograđenog prostora je veoma odgovoran i visokostručan rad, često i vrlo rizičan posao, koji zahtijeva vršenje detaljnih ispitivanja i analiza, kako bi cio poduhvat uspio i ispunio svrhu, zbog koje je i preuzet. Bez dobrog poznavanja bioloških osobina vrste divljači, koja se namjerava proizvoditi, gajiti i koristiti u kontrolisanim uslovima ograđenog prostora, ekoloških uslova sredine iz koje, i u koju se divljač unosi, cio poduhvat sigurno neće uspjeti. Kada ova priprema izostane, ili se loše obavi, daće i neželjene efekte izazivanjem poremećaja prirodne ravnoteže u novoj sredini. To pokazuju primjeri sa divljim kunićem (*Oryctolagus cuniculus*) u Australiji i mungosom (*Herpestes mnungo*) na pojedina ostrva u Jadranskom moru ili veliki mortalitet unijete divljači, kao i totalno degradiranje prostora u farmama divljači. Osnovni

vanja objektom; Osnovne podatke o korisniku - vlasniku objekta; Osnovne podatke o objektu i prikaz uslova staništa u objektu; Mjere za ostvarivanje ciljeva gazdovanja objektom; Mjere higijensko-tehničke zaštite; Izbor vrste - vrsta divljači koja se unosi u objekat i gaji; Tehnologiju proizvodnje, gajenje i korišćenje; Zaštita i očuvanje životne sredine i održivi razvoj svih resursa u objektu; Ekonomsko-finansijsku osnovu gazdovanja u objektu i Evidenciju o izvršenim radovima i mjerama u objektu. Obrazloženje izgradnje objekta obuhvata osnovne razloge korisnika-vlasnika, zbog kojih se opredijelio za proizvodnju, gajenje i korišćenje divljači u kontrolisanim uslovima ograđenog prostora i kroz to opredjeljenje određuje osnovni cilj, koji može biti proizvodnja krzna u farmama krznašica, proizvodnja mesa krupne

divljači u farmama divljači - najčešće jelen lopatar, divlja svinja, jelen evropski, fazan, divlja patka, a rjeđe i druge vrste, proizvodnja rogovlja (u bastu) cervida za potrebe farmacije, medicine i afrodisijaka, zatim posmatranje divljači u parkovima prirode i u zoološkim vrtovima, suzbijanje prenamnoženja drugih, najčešće štetnih životinja i insekata. Osnovni podaci o korisniku-vlasniku objekta obuhvataju naziv, sjedište, punu adresu, broj registra proizvodnje, broj i kvalifikaciju zaposlenih lica. Osnovni podaci o objektu obuhvataju lokaciju, površinu, nadmorsku visinu, konfiguraciju terena, ekspoziciju, snabdjevenost vodom, osnovne pokazatelje klime, zemljišta, flore i faune, analizu kompeticijskih odnosa među postojećim i vrstama divljači koja se unosi, izvore ishrane i antropogene činioce. Najpogodniji objekt je onaj koji ima najviše zajedničkih odlika sa staništem iz kojeg će se divljač nabaviti za osnovni fond u ograđenom lovištu, ograđenom dijelu lovišta ili farmi divljači. U farmi divljači, bez obzira na prirodne i antropogene uslove, najmanji rizici u svakom pogledu su, kada se u njoj drži jedna vrsta divljači, pa je to najbolje i najcjelishodnije rješenje za korisnika objekta za kontrolisanu proizvodnju, gajenje i korišćenje divljači. Raznolikost prizemne - travnate i zeljaste vegetacije, šiblja, grmlja i drveća je izuzetno važan činilac od kojeg mnogo zavisi uspješnost proizvodnje, gajenje i korišćenje divljači, s obzirom da sastav i stanje flore direktno utiče na ishranu - povećava ili smanjuje potrošnju hrane, koja se mora unositi u objekt. Prisustvo u dužem periodu godine jedne ili više biljnih vrsta, koje divljač rado jede, koristi za zaklon, zatim za reprodukciju i podizanje podmlatka može da odluči o uspjehu gazdovanja sa divljači u objektu, pa program-projekt mora predvidjeti podizanje polja za divljač s odgovarajućim biljnim vrstama. Mjere za ostvarivanje ciljeva gazdovanja u objektu obuhvataju izgradnju ograde oko objekta, lovnih i lovnotehničkih objekata u objektu, podizanje polja za divljač, obezbjeđenje hrane, vode, soli i medikamenata, izradu dinamike razvoja gajene ili gajenih vrsta divljači, vrijeme i način korišćenja dijela populacije prema klasama starosti. Mjere higijensko - tehničke zaštite obuhvataju sve aktivnosti koje obezbjeđuju zdravu, vitalnu s normalnim socijalnim navikama divljači u objektu za kontrolisanu proizvodnju, gajenje i korišćenje divljači i predstavljaju činilac od kojeg zavisi uspješnost gazdovanja u objektu. Zdrava divljač lakše podnosi ograničen, odnosno zatvoren prostor, torturu hvatanja i transporta, aklimatizaciju u novoj sredini od oboljele i ne prenosi bolesti i parazite u novu sredinu. Iz tih razloga programom i projektom se moraju predvidjeti sve preventivne i kurativne mjere, koje će obezbijediti, da u objektu zdravstveno stanje divljači uvijek bude dobro. Izbor divljači za formiranje matičnog fonda u objektu je jedan od najvažnijih radnji za početak organizovanog gajenja divljači u objektu pa se programom - projektom uvijek opredjeljuje izbor genetski čiste divljači. Najbolje je ako se takva divljač nabavlja u lovištu ili objektu za kontrolisanu proizvodnju, gajenje i korišćenje divljači, koje ima slične uslove staništa. Korisnik ili vlasnik objekta, u zavisnosti od materijalnih sredstava,

određuje i broj divljači koja se unosi u objekt, što može biti presudno za uspijeh u gazdovanju s objektom i divljači u njemu. Program - projekt mora odrediti minimalan broj divljači u početnom matičnom fondu, i na taj način obezbijediti brže dostizanje optimalnog broja divljači i realizaciju proizvodnje, odnosno prihode. Praksa je pokazala da je gazdovanje sa divljači u kontrolisanim uslovima, naročito u farmama divljači, uspješnije kada se započne s većim brojem divljači u matičnom fondu. Tehnika unošenja divljači u objekt za kontrolisanu proizvodnju, gajenje i korišćenje divljači je veoma važan segment gazdovanja sa divljači, identična je gotovo za sve vrste divljači i obuhvata niz radnji, među kojima program - projekt uvijek sadrži i obrađuje najvažnije: Izbor divljači, hvatanje divljači, transport divljači, puštanje divljači u karantin - prihvatilište, aklimatizacija u karantinu - prihvatilištu, obilježavanje - markiranje divljači, puštanje divljači u novu sredinu (lovište - farma) i praćenje divljači u novoj sredini (lovištu - farmi). Postoji i određena specifičnost kod neke divljači ili prostora u koji se vrši unošenje divljači. Na postojanje specifičnosti obavezno se ukazuje u programu - projektu. Ograničena površina objekta za proizvodnju, gajenje i korišćenje divljači u kontrolisanim uslovima ograđenog ili zatvorenog prostora je izložena velikim promjenama i biološkim pritiscima, s obzirom da se na maloj površini drži veliki broj životinja od 8 do 20 grla na 1ha. Potrošnja hrane je velika, najčešće sva zelena masa do koje divljač može doći potpuno nestaje za 2-3 godine, zemljište je sabijeno stalnim gaženjem i zagađeno velikom količinom izmeta i mokraće. Ovo ukazuje da se biološka ravnoteža jako brzo remeti i programom-projektom se moraju propisati mjere koje će obezbijediti konstantnu regeneraciju i revitalizaciju vegetacije i tako poremećaje životne sredine držati na podnošljivom nivou, odnosno obezbijediti održivi razvoj svih resursa u objektu. Posebno, brza degeneracija staništa u objektu po postizanju normalnog broja utvrđenog programom - projektom remeti biološku ravnotežu i ukoliko program - projekt ne propiše adekvatne mjere za održivu proizvodnju, gajenje i korišćenje divljači, nastaje najveći rizik u gazdovanju objektom, koji najčešće završava potpunom obustavom proizvodnje i bankrotom korisnika - vlasnika objekta. Ostali rizici gazdovanja objektom proizilaze iz nesprovođenja mjera utvrđenih u programu-projektu i njihov stepen ovisi isključivo od ponašanja korisnika - vlasnika objekta, jasno osim kada je u pitanju viša sila. Program-projekt u većini zemalja Evrope podliježe procjeni uticaja na životnu sredinu. Ekonomsko-finansijska osnova gazdovanja objektom obuhvata projekciju: 1. Predviđenih troškova izgradnje objekta i nabavke oprema; 2. Predviđenih troškova nabavke žive divljači; 3. Predviđenih troškova podizanja polja za divljač i nabavke hrane, soli i medikamenata; 4. Troškova održavanja objekta i opreme; 5. Troškova radne snage i 6. Prihoda od korišćenja divljači i dijelova. Evidencija gazdovanja objektom obuhvata sprovedene radove i mjere utvrđene programom - projektom i vodi se posebno za svaku proizvodnu godinu (od 01. 04 tekuće do 31. 03. naredne godine).

ZANIMLJIVOSTI o psima herojima

U Poljskoj, trogodišnju nestalu djevojčicu Juliju spasio je pas tako što je bio sve vrijeme sa njom, ležao pored nje u polju na temperaturi od



-5 stepeni u kišnoj noći. Vatrogasci koji su pronašli djevojčicu smatraju da je preživjela samo zahvaljujući tome što je pas bio neprekidno uz nju, zaokupljao joj pažnju i nije joj dozvolio da zaspi i smrzne se. Djevojčica je sa psom hodala cijelu noć, igrala se i tako održavala

tjelesnu toplotu. „Cijele noći pas je bio sa djevojčicom, nije je napustio. Zapamtite bilo je minus 5 stepeni i djevojčica je bila skroz mokra, pas je najzaslužniji zbog toga što je djevojčica preživjela“, rekao je jedan od vatrogasaca. Skoro 200 ljudi je bilo uključeno u potragu za Julijom, koja je provela noć lutajući kroz polja i šume, a pronašli su je vatrogasci koj su je čuli kako plače i doziva majku.



Trogodišnja Faith Wilson, koja boluje od teškog i rijetkog oblika dijabetesa, ne bi bila živa da nije njenog psa Ruby. Ruby, zlatni labrador, prošao je težak trening kako bi naučio detektirati nizak nivo šećera u krvi. Upravo zbog njegovih sposobnosti i obuke, do sada je bezbroj puta spasio život maloj Faith. Ruby je koštala 10.000 dolara jer je specijalno obučena da njanjuši miris koji se oslobađa iz tijela kada se u njemu mijenja nivo šećera. Djevojčica boluje od takve vrste dijabetesa gdje, ukoliko se odmah ne reagira na pad nivoa šećera u krvi, može doći do napada i kome koja može biti i smrtonosna. Ovaj zlatni labrador na vrijeme obavještava roditelje male Faith da ona mora da primi odgovarajuću terapiju.



Dva psa su čuvala garaže u sibirskom gradu Jakutsk, dok jedan od njih nije uginuo nakon što je navodno otrovan. Drugi pas nije želio da napusti leš, čak i kada je temperatura pala na -50 stepeni. Mještani su mu dali ime Jakutski Hačiko, po japanskom psu, koji je ostao upamćen po nevjerovatnoj odanosti mrtvom vlasniku, čekajući ga na železničkoj stanici sedam godina. Nakon što je ova priča objavljena, ljubitelji životinja u Jakutiji počeli su psu da donose hranu, a kasnije su ga prebacili u sklonište strahujući da će umrijeti od zime. Međutim, nakon nekoliko sati Hačiko se oslobodio i ponovo se smjestio na istom



mjestu pored uginule ženke, daleko od skloništa. Mještani su kasnije odustali od planova da ga udome i napravili su mu toplu kućicu za pse, a mrtvog psa su pokopali. Pas je ubrzo nakon toga počeo da se oporavlja i jede. U međuvremenu, žena iz nemačkog grada Kelna ponudila se da usvoji psa, nakon što je pročitala priču o njegovoj odanosti.



Duke, pas udomljen iz skloništa za napuštene životinje postao je heroj. Bračnom paru Brousseau iz Portlanda (SAD) koja ga je usvojila zahvalio se na najbolji mogući način - spasio je život njihove devet sedmica stare kćeri. Porodica je već otišla spavati, a probudio ih je njihov kućni ljubimac tresući ih „kao da je poludio“. Budući da je njihov pas dobrica koja tako nešto nikada nije napravila znali su da nešto nije u redu. Išli su provjeriti svoju kćer i vidjeli da ne diše. Odmah su pozvali hitnu pomoć koja je bebū oživjela i odvela u bolnicu.



Mješanac po imenu Diesel dobio je nagradu za hrabrost u obliku najveće kosti iz mesnice nakon što je spasio trogodišnjaka od napada zmije otrovnice. Diesel je riskirao svoj život kako bi spasio dječaka od smrtonosne australske smeđe zmije na farmi u Queenslandu na sjeveroistoku Australije. Zmija dugačka 2 m ugrizla je dva puta hrabrog četveronošca koji se bacio na nju kako bi je spriječio da napadne malog Drewa Beastona. „Diesel je skočio između njih u trenutku kad se zmija spremala ugristi dječaka. Taj skok je spasio Drewov život jer je zmija bila ogromna i njezin bi ugriz bio smrtonosan“, rekao je Drewov djed Stan. Mješanac Diesel, težak 23 kg, kolabirao je nakon svog herojskog čina, a oporavio se tek nakon što je primio dvije doze protuotrova i proveo dva dana u veterinarskoj klinici. Više od polovice smrtonosnih zmijskih ugriza u Australiji pripisuju se smeđoj zmiji.



Bakster i Bela, bokser i mješanica labradora porodice Smit iz Seneke, iz američke države Misuri, zaslužni su što se šestogodišnji Rajli nije smrtao. Oni su ga tijelima štitili od niske temperature koja je iz sata u sat sve više padala ispod nule. Dječak se izgubio u šumi nadomak porodičnog imanja, a njegov otac Rajan krenuo je u potragu nakon što je primijetio da nije u dvorištu. Nakon uzaludnog traganja i dozivanja u šumi koju je sve više prekrivao mrak, shvatio je da mu neće samom uspjeti da pronađe



sina, pa je pozvao vatrogasce i policiju u pomoć. Momci u uniformama su se brzo pojavili i dali na posao, ali uprkos tome što su imali pomoć helikoptera, Rajlija su pronašli tek četiri sata kasnije kako leži u jarku prekriven tijelima svojih pasa.



Pravim prijateljem, ali i nezamjenjivim zaštitnikom pokazao se njemački ovčar kojeg je udomila 19-godišnja djevojka s Novog Zelanda. Zahvalnost što mu je pružila dom, pas je iskazao spasivši vlasnicu iz



Christchurcha iz ruku seksualnog manijaka koji ju je napao i pokušao silovati. „Izašla sam potražiti psa. Napadač mi je prišao i zgrabio me. Nekoliko puta me je posjekao s nečim oštrim, ali nisam osjećala bol“ - kazala je napadnuta djevojka kojoj je, baš kad je pomislila da je sve gotovo, u pomoć priskočio četveronožni ljubimac. Hrabri pas okomio se na napadača te ga nekoliko puta ugrizao za vrat i rame. „Čula sam ga kako zapomaže i udaljava se od mene. Istog trena sam pobjegla, nisam se niti osvrnula“ - prepričala je djevojka i dodala da je pas „heroj koji joj je spasio život“.



U Michiganu (SAD), bez nadzora majke, četrnaestomjesečni dječak Stanley je pao u porodični bazen, a spasila ga je reakcija labradora Beara. Majka Patricia Drauch krenula je u garažu po lopatu, dok se njen sin polako gegao iza nje, a kad je došla do garaže i okrenula se, shvatila da je Stanley nekuda nestao. Nakon nekoliko trenutaka, sva izbezumljena od straha vidjela je svog sina kako pluta na površini bazena sa licem prema gore. Srećom, u bazenu sa njenim sinom je bio i pas Bear, četverogodišnji labrador, koji je malog dječaka leđima držao iznad površine vode. Kad je dječaka izvadila iz vode njegovo lice već je bilo plavo, a kako nije bilo signala za mobitel, nije mogla dobiti hitnu pomoć. Patricia je Stanleyja automobilom odvela u obližnju vatrogasnu stanicu, a mali dječak je već putem došao k svijesti. Nakon pregleda liječnik je utvrdio da je s njim sve u redu, dok sve zasluge za spašavanje mogu pripisati labradoru.



Njemački ovčar Buddy proglašen je herojem jer je uspio pronaći izgublenu policijsku patrolu i dovesti je do imanja svog vlasnika na

kojemu je izbio požar. Pas je pretrčao 88 km i spasio gazdu i cijelu njegovu porodicu od požara. Buddy je od aljaške policije dobio pseću zdjelu od nehrđajućeg čelika s ugraviranim riječima zahvalnosti. Njegov poduhvat je snimljen kamerom policijske patrole koja se izgubila zbog pogreške na GPS uređaju. Video snimka prikazuje psa kako pronalazi patrolu i potom je vodi prema imanju svog vlasnika



na jezeru Caswell. Pas je pohitao po pomoć, nakon što je u radionici grijalica zapalila hemikalije, a vlasnik mu rekao da potraži pomoć.

Vlasnik je u požaru zadobio opekline lica i ruke.




Pas pasmine Akita Inu skočio je za svojim vlasnikom s doka u škotskom gradu Methilu oko pet sati ujutro, kad je temperatura rijeke Forth bila oko nule.



Ekpa spasioca izvukla je potom dvojac iz ledene vode. U spašavanju su pomagali i vatrogasci. Okolnosti oko slučaja nisu u potpunosti poznate, a vjeruju se kako je u pitanju bio pokušaj samoubojstva te se čini da ga je pas pokušao spriječiti.

I pas i vlasnik sad su u najboljem redu, a glasnogovornik lokalnih spasioca potvrdio je da je čovjek prvi ušao u vodu, a pas potom skočio za njim. Najbolji čovjekov prijatelj tako je još jednom dokazao svoju odvažnost i vjernost.





Fotolov
zecca

